



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Especyal nga Isyu
Disyembre 26, 2004
www.philippinerevolution.org

Hingalitan ang labing nagalubha nga krisis kag pasingkion ang mga gerilyang opensiba agud isulong ang bag-ong demokratikong rebolusyon

Mensahe halin sa Komite Sentral sang Partido Komunista sang Pilipinas

Malipayon kita sa pagsaulog sang ika-36 nga anibersaryo sang liwat nga pagtukod sang Partido Komunista sang Pilipinas kag sang tanan nga natipon nga kadalag-an sang Partido kag pumuluyong Pilipino sa bag-ong demokratikong rebolusyon sa ubay sang Marxismo-Leninismo-Maoismo.

Ginapanginbulahan naton ang tanan nga mga kadre kag katapu sang aton Partido sa tanan nga kadalag-an nga naangkon sa patag sang ideolohiya, pulitika kag organisasyon. Resolbado kita nga isulong ining mga kadalag-an, tadlungon ang mga kasaypanan kag kahi-naan kag pataason sa bag-o kag mas mataas nga lebel ang rebolusyonaryong paghimakas sang pumuluyo.

Naangkon naton ang mga kadalag-an paagi sa mapisan nga pagtrabaho, matutom nga paghimakas kag pagsakripisyo sang kaugalingon. Tulad sang naandan, ginahatag naton ang pinakamataas nga pagsaludo sa aton mga rebolusyonaryong martir kag baganihan nga naghalad sang kabuhi sa pag-alagad sa pumuluyo.

Makaangkon pa kita sang dugang nga mga kadalag-an sa paghimakas para him-uson ang pungsodnon demokratikong rebolusyon sa pagpamuno sang proletaryado kag hawanon ang dalan para sa sosyalistang rebolusyon.

Mahingalitan naton subong ang labing nagalubha nga krisis sang pangkalibutan nga sistemang kapitalista kag lokal nga nagaharing sistema sang mga daku nga kumpador kag agalon nga mayduta. Mapabaskog naton ang mga rebolusyonaryong pwersa kag pumuluyo sa tanan nga paagi. Mapasingki naton ang mga opensiba batuk sa kaaway.



1 Krisis sang US kag pangkalibutanon nga sistemang kapitalista


Ang krisis sang pangkalibutanon nga sistemang kapitalista naghalin sa mga pundamental nga kontradiksyon tunga sang monoponyong kapital kag kusog pangabudlay, sa kubay sang mga imperyalistang gahum kag sa tunga sang mga imperyalistang gahum kag mga ginapigos nga pumuluyo kag nasyon. Sa panahon sang modernong imperyalismo, wala untat nga nagatingkad ang kontradiksyon sa tunga sang sosyal nga kinaiya sang produksyon kag sang pribado nga kinaiya sang pag-angkon sang produkto. Ang paggamit sing mas mataas nga teknolohiya kag ang labing kadalukon sang monoponyong burgesy sa ngalan sang globalisasyon sang "libre nga merkado" labi nga nagpadalum kag nagpalala sa krisis sang pangkalibutanon nga sistemang kapitalista.

Wala tupong ang pagdasig sang konsentrasyon kag sentralisasyon sang kapital sa pila ka imperyalistang pungsod. Ang pinakamanggaranon nga 20% sa kalibutan nagapag-iya sang 85% sang kita sa kalibutan ukon 150 pilo nga mas daku sa kita sang pinakaimol nga 20%. Ang gintingub nga manggad sang tatlo sa pinakamanggaranon nga tawo sa kalibutan, nga lunsay sa US, mas daku pa sa *gross domestic product* (GDP) sang 48 ka pinakaimol nga pungsod nga may kabilugan nga populasyon nga 600 milyun.

Ang US mismo nakabuyok kag nakautang sang labing daku nga kapital sa nagligad nga sobra duha ka dekada. Ang kabilugan nga utang sang pederal nga gubyrno sang US subong halos \$7.601 trilyon, suno sa datos sang US Bureau of Treasury. Nagadaku ini sang

\$2.56 bilyon kada adlaw, nga kon magpadayon magaabot sa \$8.18 trilyon nga limite sa utang gintalana sang US Senate sang nagligad nga bulan sa sulod sang 226 adlaw ukon sa Nobyembre 17, 2005. Ginatantya nga \$1.6 trilyon ang kabilugan nga kautangan sang

**Yara sa depresyon ang
kadam-an sang mga
pungsod sa
kalibutan. Ang mga
pungsod sa
Ikatlong
kalibutan ang mas
madasig nagakalumos sa
kumunoy sang pagkautang.**



gubyrnong estado kag lokal.

Gindugang diri sang pila sa nagabantay sa utang sang US ang \$28.1 trilyon nga utang sang pribadong negosyo kag mga pamilya. Sa una nga tion sang 1999, nasobrahan sang gasto ang kita sang mga pamilya. Nagdaku pa ini sugod sadto. Ang depist sa negosyo sa luwas nga \$579 bilyon sadtong 2003, mas daku na sa \$380 bilyon sadtong 2000.

Nagluntad ang wala kapares pagdagsa sang mga "pagtingub" sang mga kumpanya umpisa 1995 sang hingalitan sang mga higante nga korporasyon ang krisis agud lamunon ang mga propyedad sang mas mahina kag mas bulnerable nga mga kumpanya. Duha ka kumpanya na lang subong ang nagahimo sang mga komersyal nga eroplano, tatlo ka higante nga kumpanya sang langis lang ang nabilin sa "seven sisters" sadtong dekada 1970 kag 11 na lang ang nabilin sa anay 40 independente nga tagahimo sang kotse sa bilog nga kalibutan. Masobra sa 85% sang pamuhunan sa bilog nga kalibutanon ang nagkadto sa mga

"pagtingub" nga ini, pareho sang di-produktibo kag tuman ka ispekulatibo nga maniobra kag kumpetisyon sang mga higante nga monopolyo, samtang 15% lang ang nagkadto sa pagtukod sang mga bag-ong pabrika ukon industriya kag sa pagpanalawsaw kag pag-pauswag.


Isa ka daku nga kabutigan ang ginatawag "internasyunalisasyon sang kapital". Sa kabilugan, ang mga ginapuhunan nagapabilin sa mga imperyalistang pungsod kag wala sang malawigan kag talupangdon nga pagsaylo sang produktibong kapital sa mga pungsod sang Ikatlong kalibutan, baliskad sa ginasugid sang mga tagabando sang "globalisasyon". Ang pinaka-esensya kag pangunahon nga tumok sang globalisasyon sang "libre nga merkado" amo ang pagpugong ukon pagguba sa pag-uswag sang pungsodnon nga indusriyal sa guwa sang mga imperyalistang pungsod. Sa kamatuoran, ang neto sang nasaylo nga kapital halin sa mga atrasadong pungsod pakadto sa mga mauswagon nga kapitalistang pungsod nagabalor sang \$111 bilyon sadtong 1998 nga halos doble sa \$193 bilyon sadtong 2002.

Ang bahin sang kabilugan direktang dumuluong nga pamuhunan (FDI) nga nagkadto sa mga atrasadong pungsod 32.6% lang sadtong 1990-94. Nagnubo ini sang 15.9 % sadtong 2000 kag nagsaka sa 23% (\$158 bilyon) sadtong 2002 kag 30% (\$172 bilyon) sadtong 2003. Apang halos sangkatlo sini-\$53 bilyon sadtong 2002 kag \$54 bilyon sadtong 2003-ang nagkadto sa China. Kon indi ilakip ang China, ang porsyento sang FDI sa kalibutan nga nagkadto sa iban pa nga atrasadong pungsod 15.5% lang sadtong 2002 kag 21% sadtong 2003.

Yara sa depresyon ang kadam-

an sang mga pungsod sa kalibutan. Ang mga pungsod sa Ikatlong kalibutan ang mas madasig nagakalumos sa kumunoy sang pagkautang. Pareho sang Pilipinas, pila ka beses na sang ila orihinal nga utang ang ila nabayaran, apang kinahanglan nga magbayad pa sang pila ka pilo nga kantidad. Ang utang sang Ikatlong kalibutan \$227 bilyon sadtong 1971, samtang \$1.7 trilyon sadtong 1983 kag \$2 bilyon sadtong 1995. Sa pihak nga nakabayad na sila sang kabilugan \$4.5 trilyon sa masobra 20

**Pagkatapos liwat
mapilian bangud sang
pagdinaya,
gindeklarar ni Bush
nga gamiton niya
ang iya
pangpulitika nga
kapital agud ipatuman ang
polisiya sang wala kutod
nga agresyon kag pagpa-
muyong.**



tuig, may utang sa luwas gihapon nga indi magnubo sa 2.5 trilyon ang mga pungsod sa Ikatlong kalibutan.

Nagresulta ini sang dugang nga kahalitan pang-ekonomya kag pangkatilingban sa mga pungsod sa Ikatlong kalibutan kag sa mga paatras nga pungsod sa anay blokeng Sobyet, nga kadam-an mga hilaw nga materyales, mga semi-manupaktura kag pila ka produktong industriyal ang ginaeksport. Suno sa International Labor Organization, 2.8 bilyon ang mga tawo nga may trabaho sa bug-os nga kalibutan. Pero sa mga ini, 1.4 bilyon mamumugon ang nagakabuhi sa kulang sa \$2 kada adlaw, kag 550 milyon mas manubo sa \$1. Nagdaku ang ginpagamay nga upisyal nga isip sang mga wala tra-

baho, ilabi na sa kubay sang pamatan-on. Minilyun-milyon ang nagakamatay kada tuig sa malnutrisyon kag sa kawad-on sang mainom nga tubig.

Ang mga sentro sang kapitalismo, ang US, European Union kag Japan, mabaskog nga ginabunalan sang ila mismo nga krisis sang sobrang produksyon kag pagkalugi sang pinansya kag sang depresyon sa mga indi debelopado nga pungsod. Naghina sa kabilugan ang ila mga ekonomya halin sa 3.8 % sadtong 2000 pakadto sa 0.8% sadtong 2001, nagbawi sing gamay sa 1.7% kag 2.8% sadtong 2001-2004, apang ginasigahum nga magnubo liwat sa 2005-2006. Ang ekonomya sang US, sa partikular, nagluya halin sa 3.8 % sadtong 2000 pakadto sa 0.3% sadtong 2001, nakabawi sa katung-anan sang 2002 bunga sang madamuan nga paggasto sang mga konsyumer kag sang militar nga ginagastuhan sang dalagkuan nga pagpangutang.

Nagatinguha ang rehimeng Bush nga paandaron ang ekonomya sang US paagi sa pagpadaku sang produksyon panggera kag paglunsar sang mga gerang agresyon agud padayon makonsumo kag mabayluhan ang istak sini nga mga armas kag makahimo sang mga bag-ong armas nga *high tech*. Nagapanulsol ini sang gera, pagtapna kag huyog nga pasista sa US kag sa bilog nga kalibutan paagi sa panghingalit sa mga atake 9/11 kag pagdeklarar sang permanente kag pamugong nga "gera batuk sa terorismo."

Ang \$435 bilyon nga badyet sa depensa kag ang \$100 bilyon nga galastuhon militar nagalakip sang halos tunga sang pungsodnon nga badyet sang US sa 2005. Ang 28% ukon \$536 bilyon nga galastuhon pangmilitar subong nagalakip sang \$150 bilyon para sa pagbakal, panalawsaw kag pagpasanyog, samtang dugang nga 14-18% ang

para sa mga nagligad nga gasto militar sa porma sang mga pangbayad sa interes sang pungsodnon nga utang. Luwas sini, nagpangayo si Bush sa Kongreso para sa dugang nga pondo nga \$50 bilyon para sa mga operasyon sa Iraq kag Afghanistan.

Sa isa ka pagtanta, base sa gintalana sang kongreso, ang gasto sa agresyon sang US sa Iraq nagaabot sa \$152 bilyon sa katapusan sang 2004. Ang pagsalakay pa lang sa Iraq gingastuhan sang \$26 bilyon kag ang padayon nga okupasyon ginagastuhan sang \$3.9 bilyon kada bulan. Nagaabot sa \$5 bilyon ang balor sang mga kontrata nga ginhatag sa Halliburton, Bechtel, DynCorp kag iban nga korporasyon nga malapit sa rehimeng Bush. Sa brutal nga padihot nga paluyahon ang Iraq kag agawon ang resorsa sang langis sini, sistematisiko nga ginguba sang US ang imprastruktura pang-ekonomya kag pangkatilingban kag ginhatag ang mga proyektong "pangrekonstruksyon" sa mga korporasyon sang US.

Ang daku nga gasto pangmilitar nagresulta sa isa ka gamay, artipisyal kag indi masustener nga pagbangon sang ekonomya sadtong katung-anan sang 2002. Sa iya pagkadaluk sang monopolyong superganansya, nagakalimot ang US sa kadalukon sa monopolyong superganansya, nakalimtan sang US nga ang depisit sini sa badyet kag negosyo kag ang nagadaku nga utang pangpubliko ang nagabutong sa ekonomya sang US sa panibag-o nga lebel sang istagnasyon kag pagtibusok.

Luwas sa pagtinguha nga buhion liwat ang ekonomya sini paagi sa produksyon panggera, nagapang-agaw ang US sang mga resorsa kag ruta sang suplay sang langis kag gas kag nagapapalapad sang pang-ekonomya nga teritoryo

sini sa pangkabilugan paagi sa interbensyon militar kag mga gerang agresyon sa Middle East, Central Asia, Balkans, South Asia, East Asia kag iban pa. Nagatuyo nga pahugton sini ang kontrol sa Middle East sa ngalan sang pagpalapnag sang demokrasya. Ginsakup sini ang Iraq kag ginpaisog ang buot sang rehimeng Sharon nga pamatyon ang pumulyong Palestino sa Gaza kag West Bank.


Sa subong, ang US lumos sa kamunoy sang Iraq kag Afghanistan. Halos 1500 sang suldadong US ang nagakalamatay sa Iraq kag Afghanistan. Halos 26,000 suldado na ang napilasan sa Iraq apang ginapagamay ini sang Pentagon kag ginasiling malapit sa 10,000 lamang. 136 ang upisyal nga isip sang napatay sa pinakaulihi nga napaslawan nga kampanya nga dugmukon ang pagbatu sang mga Iraqi sa Fallujah kag iban pa nga syudad. Nagapangbomba ang mga hangaway nga Iraqi sang mga *oil pipeline* kag iban pa nga pasilidad agud indi mangin mapuslanon para sa US. Dugangan pa sang nagatibusok nga ekonomya, ang nagadaku nga kalutusan sang US sa Iraq nagadabuk sa mga pumulyong Amerikano nga pamatuan ang polisiya sang interbensyon militar kag agresyon sang rehimeng Bush sa Middle East, Central Asia kag iban pang lugar.

Pagkatapos liwat mapilian bangud sang pagdinaya, gindeklarar ni Bush nga gamiton niya ang iya pangpulitika nga kapital agud ipatuman ang polisiya sang wala kutod nga agresyon kag pagpamuyong. Dapat kumprontahon sang proletaryado kag pumuluyo sang kalibutan ang huyog sang US nga palalaon ang krisis sang pangkalibutanon nga sistemang kapitalista, mangdabuk sang gera kag terorismo sang estado sa

pangkalibutanon nga sakup kag magsabwag sang mga interbensyon militar kag mga gerang agresyon.

Nagapasingki ang mayor nga kontradiksyon sa tunga sang mga imperyalistang gahum kag mga pigos nga pumuluyo kag nasyon. Ginaduso sang nagalala nga pangkalibutanon nga krisis sa ang mga imperyalista kag ila mga papet nga maggamit sing pinakamalaut nga porma sang pagpamigos kag pagpanghimulos. Gani nagasingki ang mga gera para sa pungsodnon

**Nagatinguha ang mga
Marxista-Leninista nga
partido nga
papagsikon liwat
ang rebolusyo-
naryong
kahublagan sa
tagsa-tagsa ka
pungsod kag maglatag sang
mabakod nga basehan sa
liwat nga pagtukod sang
internasyunal nga
kahublagang komunista.**



nga kahilwayan sa Iraq, Palestine, Afghanistan, Turkey, Nepal, India, Pilipinas, Columbia, Peru kag iban pa. Ang mga ini nagahatag sang paglaum nga mautod ang mga gaway sang imperyalismo kag naga-inspirar sa mga pumuluyo sang kalibutan nga magbatu tubtub malutos ang imperyalismo sa pangkalibutanon nga sakup.

Sugod pa sadto ginakaakig na sang US ang sulog sang dekolonisasyon pagkatapos ang Ikaduha nga Inaway Pangkalibutanon, ilabi na ang mga aktibo ginabuyok kag ginasuportahan sang mga sosyalistang pungsod. Sadto pa batuk na ini sa mga prinsipyo sang Bandung Conference of Afro-Asian Countries kag sang Non-

Aligned Movement. Gingamit sini ang neo-kolonialismo agud ibalewala ang nominal nga kahilwayan sang mga pungsod nga nangin malakolonya kag *dependency*¹ halin sa lubos nga mga kolonya. Bilang sa solo nga superpower subong, nagatuyo ini nga labi pa paligunon ang penomenon sang neo-kolonialismo kag nagatuyo nga liwat kolonisahon ang pila ka pungsod sa Africa.

Sa kahimtangan sang paglunsar sang imperyalismong US sang mga gerang agresyon batuk sa pila ka pungsod halin 1991 tubtub subong, indi naton pakanubun ang kontradiksyon sa tunga sang mga imperyalistang pungsod (pangunahon ang US) kag sang mga pungsod kag gubyrno nga ginapanindugan ang pungsodnon nga kahilwayan batuk sa sobra-sobra na nga imposisyon sang imperyalismo kag /ukon bilang sabat sa mga demanda sang pumuluyo. Padayon nga nagalunsar sang mga gerang agresyon ang US batuk sa Iraq kag Afghanistan kag nagahimo sang interbensyon militar, pareho sang sa Pilipinas, Columbia kag Haiti. Ginapahug sini ang pila ka pungsod lakip ang Democratic People's Republic of Korea, China, Cuba, Venezuela, Iran, Syria, Congo kag Zimbabwe.

Nagatuhaw ang mga kontradiksyon sa tunga sang US kag iban nga imperyalistang gahum. Tampok diri ang pila sa sining mga kontradiksyon sang ginlapas sang US ang UN Charter, ang Geneva Conventions kag ang internasyunal nga layi sa paglunsar sang gerang agresyon batuk sa Iraq sa tuyo nga monopolisahon ang resorsa sang langis kag ibalewala ang mga kontrata sang gubyrnong Iraq kag mga kontratistang French, German

¹Mga teritoryo nga nakapaidalum sa hurisdiksyon sang iban nga pungsod. Hal. ang Puerto Rico, Guam kag iban pa.

kag Russian. Nagapadayon nagabukal ang mga kontradiksiyon sa tunga sang imperyalista kaangot sa mga halambalanon sa mga pamuhunan, negosyo, pinansya kag seguridad.

Labing ginapalubha sang nagalalang krisis sa mga imperyalistang pungsod ang makasahing banggianay sang monopolyong burgesya kag proletaryado. Ginahapot sang lapnagon nga disempleyo kag nagagamay nga kita lunsay ang proletaryado kag intelehensyang petiburges. Ginagamit man ang sobinismo, rasismo kag diskriminasyon sa relihiyon batuk sa mga migranteng mamumugon agud isaylo ang atensyon palayo sa mga kapitalistang ugat sang krisis. Nagapasar sang mga mapiguson nga layi kag ginapatuman ang mga tikang nga may diskriminasyon batuk sa mga migrante kag *refugee* sa panabon sang kontra-terorismo.

Bilang sabat sa labing nagalubha nga krisis sang pangkalibutanon nga sistemang kapitalista kag sa pagsingki nga pagpamigos kag pagpanghimulos, pinapasanyog sang mga proletaryado kag pumu-

luyo sang kalibutan ang nanari-saring porma sang paghimakas, lakip ang mga lapnagon nga aksyong protesta, mga welga kag armadong paghimakas. Nagatinguha ang mga Marxista-Leninista nga partido nga papagsikon liwat ang rebolusyonaryong kahublagan sa tagsa-tagsa ka pungsod kag maglatag sang mabakod nga basehan sa liwat nga pagtukod sang internasyunal nga kahublagang komunista. Nagaululupod ang mga organisasyon sang pumuluyo sa pagtukod internasyunal nga paghiliusa kag magalunsar sang mga koordinadong aksyon batuk sa imperyalismong US kag iban pa nga imperyalistang gahum.

2 Krisis sang lokal nga nagaharing sistema

Ang Pilipinas isa ka neokolonyal nga sipil sang imperyalismong US. Sa idalum sang subong nga papet nga rehimeng Arroyo, nga masupog nagapatuman sa pagpabilin nga malakolonyal kag malapyudal nga kinaiya sang katilingban Pilipino, wala katibawasan ang Pilipinas sa kaugalingon sini nga sistemiko kag nagapabilin nga krisis kag sa subong nga krisis sang pangkalibutanon nga sistemang kapitalista.


Pigado gid ang papet nga rehimen nga makahulam sa mga imperyalista nga tagapautang sing bastante nga pondo nga pang-abono sa depisit sa badyet kag negosyo kag pangbayad sa utang. Gani napilitan ini nga akuon ang pagluntad sang isa ka krisis sa pinansya. Sa kamatuoran, ang krisis indi lang sa limitado sa halambalanon sang pag-atubang sa nagapadaku nga lang-at sa tunga sang kita kag gasto sang guberno. Isa ini ka lubos, kumprehensibo kag madaluman nga krisis sa ekonomya kag pinansya sang nagaharing sistema.

Ang daku nga nagakadula sa kita kag pagdaku sang gasto nga amo ang maathag nga kabangdanan higante nga depisit sa badyet bunga sang paglala sang nagapabilin nga krisis sang malapyudal nga ekonomya bangud sang neoliberal nga polisiya sang globalisasyon sang "libre nga merkado." Sa idalum sang polisiya nga ini, naggamay ang produksyon para sa lokal nga konsumo bangud sa pagtaas sang bili sang *imported* nga sangkap kag bangud sa pagtinambak sang mga produkto sang mga kumpanyang dumuluong kag dalagku nga kumprador. Ginpanubo sang sobra nga suplay sa kalibutan ang mga presyo sang tanan nga hilaw materyales kag pang-eksport nga semi-manupaktura nga may manubo-nga-dugang nga bali kag nagresulta ini sa paglala sang nagapabilin nga depisit sa negosyo pangluwas.


Sa idalum sang liberalisasyon sang importasyon, ang nagasinampaw nga depisit sa negosyo halin 1995 nagaabot na sa \$52.2 bilyon. Nag-abot sa P100 bilyon ang nadula nga kita kada tuig sa nagligad nga 10 tuig bangud sang mga pagbuhin sa taripa kag P105 bilyon pa ang nadula bangud sa pribatisasyon sang mga nagakita nga korporasyon sang guberno. Nagaabot man sa 20% sang badyet (katumbas sang P160 bilyon sadtong nagligad nga tuig) ang nagakadula kada tuig sa korapsyon sang guberno, suno sa konserbatibo nga tantya.

Ginpaayo sang mas o menos P7 bilyon nga remitans sang mga *overseas contract worker* ang kahimtangan sang current account kag *balance of payments* kada tuig. Apang ang mga ini ginsuyop sang mga daku nga kumprador kag dumuluong nga monopolyo paagi sang konsumerismo. Ginapagguwa nga ang mga dumuluong nga pamuhu-

Baliskad, kon indi man binuang, ang magdugang sang palas-anon nga buhis sa isa bangkrap kag lugdang nga ekonomya. Ginakaakig ini sang masang anakbalhas kag mga nahanunga nga saray sang katilingban nga madugay na ginasilutan sang mataas nga tantos sang disempleyo, lapnagon nga kaimulon kag nagapalyar na nga mga serbisyo sosyal ...



**Ang wala-kredibilidad,
kaluyahon kag
pagkahamulag sang
rehimeng Arroyo
nahibal-an sang
US kag sang
rehimen
mismo.**



nan amo ang kinakuhaan sang tuman nga kinahanglanon nga kapital, pero sa maksimum 40% lang sini ang direktang pamuhunan, samtang ang nabilin mga di-produktibo nga lupad-manok nga pamuhunan nga sa ulihi igaluwas man pati ganansya. Sang nagligad nga tuig, ang direkta nga dumuluong nga pamuhunan nagaabot lang sa \$1.4 bilyon ukon 38% sang tanan nga dumuluong nga pamuhunan.

Bangud ang dumuluong kag lokal nga pautang na lang ginaabono sa depisit sa badyet kag *current account*, nagtimbuok ang utang sa luwas sa pinakamataas nga naabot nga halos \$60 bilyon kag ang lokal nga utang pangpubliko halos ₱2 trilyon. Nagdaku man ang pangbayad sa utang pakadto sa masobra ₱542 bilyon sining 2004, nga nagaabot sa 80.4% sang kita sang gubyrno. Ang ginatantya nga igabayad sa interes ukon sa utang para sa 2005 ₱301 bilyon ukon 33.2% sang badyet.

Ginapabugal sang rehimeng Arroyo nga malubad na sini ang krisis paagi sa pagpatuhaw sang inisyal nga ₱83.4 bilyon sa isa ka hugnat sang indi direkta kag nagabalik nga mga buhis kag pagbuhin sang alokasyon sa serbisyo sosyal kag mga lokal nga gubyrno. Baliskad, kon indi man binuang, ang magdugang sang palas-anon nga buhis sa isa bangkrap kag lugdang nga ekonomya. Ginakaakig ini sang masang anakbalhas kag mga

nahanunga nga saray sang katilingban nga madugay na ginasilutan sang mataas nga tantos sang disempleyo, lapnagon nga kaimulon kag nagapalyar na nga mga sebisyo sosyal sa kahimtangan sang lugdang nga ekonomya.

Ginpananubo sang rehimen ang pagpamatuk sang publiko sa ginaproponer nga dugang nga buhis kag pagbuhin sa serbisyo sosyal, matapos ang pagkabuyag-yag sang mga dinayaay sa eleksyon kag pagpamakal sang boto gamit ang mga resorsa sang gubyrno. Sang mapat-ud ang pila ka panakup-buho nga tikang pareho sang pagpasar sang mga buhis kag daw nasiguro nga magarantiyahan ang mga dumuluong nga tagapautang para liwat makautang, labing bangian man ang kundisyon, gilayon gin-anunsyo ni Arroyo nga natapos na ang krisis sa pinansya sang gubyrno.

Labi nga ginkaakig sang malapad nga masa sang pumuluyo ang kamatuoran nga daku nga bahin sang badyet sang reaksyunaryong gubyrno nagakadto sa pagbayad sa utang kag sa mapiguson nga instrumento sang estado (militar kag pulisya) kag nagapapatong sang nagapabug-at nga kundisyon ang mga imperyalistang manugpautang kag labi nga ginagapos ang Pilipinas sa wala katapusan nga siklo sang mga nagapabilin nga depisit, konsumerismo nga nagasalig sa importasyon sang mga daku nga burukrata kag mapanghimulos nga sahi kag sang pagbaligya sang pungsodnon nga patrimonya.

Akig ang malapad nga masa sang pumuluyo sa lapnagon nga pagdinaya kag terorismo nga ginhi-mo sang rehimeng Arroyo agud "magdaug" sa eleksyon presiden-syal sang 2004. Wala huya nga ginkawat sang hubon Arroyo ang kaban sang banwa kag ginkumplot

ang iya mga alyado sa Kongreso agud pat-uron ang iya kwestyunable nga pagdaug sini. Lain sa nagligad nga eleksyon presiden-syal, ang pinakamabaskog nga pangontra ni Arroyo kag mga tagasuporta nila wala magbaton sang kalutusan kag padayon nga naga-kwestyon sa pagkalehitimo sang rehimen.

Athagon ang ila kontradiksyon sa Kongreso, sa mga lokal nga gubyrno kag sa nagalala nga pagkapihak-pihak sang militar kag pulisya. Ang pagtaliwan sining karon lang sang pangunahon nga karibal nga si Fernando Poe, Jr. nangin okasyon sa minilyun-milyon niya nga tagasuporta para magpautwas sang ila kaakig sa rehimeng Arroyo kag para sa paghiliusa sang oposisyon pangpulitika sa katuyuan nga pukanon si Arroyo sa pagka-pangulo.


Labi nga masinulundon subong ang rehimen sa mga imperyalistang US nahanungod sa polisiya sang globalisasyon sang "libre nga merkado" kag sa ginatawag gera batuk sa terorismo. Ang pinakaulihi nga pagbaliskad sang reaksyunaryo nga Korte Suprema sa desisyon sini batuk sa Mining Act of 1995 isa ka makahalam-ot nga pahanumdom lunsay sa lapnagon kag hugot nga imperyalistang kontrol sa reaksyunaryong estado.

Ginaduso sang nagaharing hubon Arroyo ang pinakamalaut nga porma sang pag-ikug-ikog kag korapsyon indi lang sa ehekutibo kag lehislalato nga sanga sang gubyrno, kundi pati sa hudisyal tubtub sa lebel sang Korte Suprema. Ginamit sini ang \$50 milyon nga suhol halin sang mga monopolyo nga kumpanya sang langis sang US, British kag Dutch agud bangalon ang mayorya sang mga huwes sang Korte Suprema nga baliskaron ang desisyon subong nga bulan ang nauna nga desisyon

sang korte sadtong Enero 2004 nga nagadeklarar nga indi konstitusyunal ang Mining Act, bangud nagalapas ini sa probisyon sang 1987 konstitusyon nga nagadumili sa mga kumpanya nga masobra 40 % ang pagpanag-iya sang dumuluong nga magpangita, magpauswag kag maggamit sang dunang manggad sang Pilipinas.

Paabuton naton ang dugang nga makahalalit nga mga pagbaha kag tag-ilinit samtang ginapapas

**Desperado ang rehimen
nga pagparalisahon ang
negosasyon
pangkalinungan kag
sa ulihi gub-on ini
kon indi matuman
ang imposible
matabo-ang
pagsurender sang mga
rebolusyonaryong pwersa
paagi sa NDFP.**



sang mga dumuluong nga monopolyo kag ila mga ahente nga daku nga kumprador sa pagmina, *logging* kag mga modernong plantasyon ang nabilin nga kagulangan sang Pilipinas. Ginabuhinan pa gid ang produksyon agrikultural para sa lokal nga konsumo, pabor sa mga dumuluong nga monopolyo kag daku kumprador sa pagpamuyong sa mga dunang manggad. Ginagamit sang mga dumuluong nga manugpautang ang utang pangluwas agud angkunon kag magbakal sang pagkontrol sang mga sapi sa pribadong korporasyon. Kadungan sini, ginapalapad sang mga agalon nga mayduta ang ila kadutaan kag ginapalubha ang lokal nga pyudalismo.

Garuk sa pinakaubod ang nagaharing sistema sang mga daku nga kumprador kag agalon nga mayduta sa halambalanon sosyo-

ekonomiko, pangpulitika, pangkultura kag moral. Wala unod kag kaladlawan ang islogan nga mabakud nga republika. Isa ini ka pagtinguha nga tabunan ang nagapabilin nga krisis sang sistema kag ang wala istabilidad, kaluyahon kag pagkahamulag sang rehimen. Sa amo man, ginapalarga sini ang militar, pulisya kag paramilitar nga mga idu-idu sang rehimen nga maglunsar sang mas brutal nga mga pag-atake sa masang anakbalhas.

Sa pagtinguha nga pabaskugon ang iya baseng gahum kag tapnaon ang pagtukod sang isa ka malapad nga nagahiliusang prente batuk diri, ginasulsulan sang rehimen ang mga upisyal sang militar kag pulisya nga magpangmasaker sa pila ka prubinsya nga ginpili sang mga tagaplano sang US kag Pilipinas kag atakehon ang mga malinong nga welga kag aksyon protesta. Duguon ang mga kamot sang rehimen Arroyo sa mga malaba nga serye sang pagpamatay sa mga progresibong lider kag aktibistang masa sa Mindoro, Mindanao, Bicol, Quezon kag iban pa, mga mamahayag kag iban pa nga tawo sang midya, kag sa pagmasaker sang mga mamumugon sa Hacienda Luisita.

Ang militar, pulisya kag mga *handler* sini nga imperyalistang US ang may kabalaslan ang rehimen Arroyo kag nagakapot sa iya liog gani ginapabay-an sini tubtub ang pinakamataas nga upisyal nga mag-entra kag wala renda nga korapsyon lunsay sa pagkapot sang mga pondo sang gubyrno para sa militar kag pulisya kag sa pagpadalagan sang mga sindikato kriminal kag raket. Indi seryoso ang mga abugado sang estado sa pag-imbestigat kay General Garcia kag iya mga superyor nga upisyal sa grabe nga pagdispalko sang pondo pangpubliko. Wala nagasi-

nantu ang kaso nga *perjury* ukon pagbinutig nga ginpasaka batuk kay Garcia sa pagkuripon sang ginatus-gatos milyon nga dolyar nga maathag ginkuha halin sa pondo sang militar.

Ginkumpirma sang mga internasyunal nga ahensya kag organisasyon ang aton obserbasyon nga ang PNP kag AFP amo ang isa sa pinakakorap sa bilog nga kalibutan. Bug-os nga mga kumand ang imbolbado sa mga proteksyon raket kag mga sindikato kriminal nga imbolbado sa iligal nga pagtroso, ismagling, droga, pasugal, *kidnapping*, *carjacking* kag iban pa. Sobra sa ginbuhat sang mga nauna nga rehimen, ginapadyaan sang rehimen Arroyo ang mga retirado nga heneral nga may kabalaslan siya sang mataas nga sa sibilyan nga burukrasya, para sila dugang nga magpamanggad. Nagakagaruk kag nagahuyang ang pangpwersa nga makinarya sa maduguon nga ribalan sang mga paksyon sa militar kag pulisya.

Ang wala-kredibilidad, kaluyahon kag pagkahamulag sang rehimen Arroyo nahibal-an sang US kag sang rehimen mismo. Gani naghisugot sila nga ipaiway ang paghiwat sang konstitusyunal kumbensyon bilang padihot agud tapnaon ang isa ka pag-alsa sang pumuluyo nga nagatuyo pukanon ang subong nga nagaharing hubon paagi sa pagtanyag nga bag-uhon ang porma sang gubyrno halin sa presidensyal pakadto sa parlamentaryo.

Nagapadihot ang US kag iya mga pinakamalaut nga idu-ido nga amyendahan ang 1987 nga konstitusyon agud magsulod sang mga probisyon nga magalapak sa mga kinamatarung sibil kag pangpulitika sang pumuluyong Pilipino, magdula sa mga nabilin nga pungsodnon nga restriksyon sa dumuluong nga pamuhunan kag pagdula sa

pagdumili sa mga dumuluong nga base militar kag dumuluong nga pwersang pang-away kag sa pagsulod, pag-agi kag pag-istasyon sang nukleyar, *biological* kag iban pa nga *weapons of mass destruction*.

Labi pa gid nga nahamulag ang rehimeng Arroyo samtang nagatinguha ini nga makatakas sa kutkut nga iya man kahimuan. Nagahatag ini sang sobra-sobra nga mga kagastuhan sang mga dumuluong nga monopolyo kag nagatanyag sang mga konsesyon sa iya mga karibal sa pulitika sa tuyo nga nyutralisahan sila kag tungaon ang oposisyon, samtang arogante nga ginapamilit ang pagsurender sang PKP-BHB-NDF paagi sa pagpasugot sa wala kutod nga untat-lupok. Apang nakapanimaho na subong ang anti-Arroyo nga oposisyon, nga nauna nagsikway sa mga tanyag sang rehimen, kag mas ginabilang ini nga dugang nga patimaan sang kahuyangon kag desperasyon ang anuman nga ginatanyag sang rehimen.

May salabton ang rehimen sa pagpangayo sini sa US, European Council kag iban pa nga gubyrno nga bilangan kag ilista nga "terorista" ang Partido Komunista sang Pilipinas, (PKP), Bag-ong Hangaway sang Banwa (BHB) kag ang *chief political consultant* sang National Democratic Front of the Philippines (NDFP) agud ipresyur ang NDFP nga magsurender sa negosasyon pangkalinungan sa Gubyrno sang Republika sang Pilipinas (GRP), ukon mapaslawan diri, paralisahan kag dason tapuson ang mga negosasyon nga ini.

Tuman nga nakasalig ang rehimeneng Arroyo sa gahum sang imperyalismong US. Nanindugan ini nga makabawi lang ang ekonomya sang Pilipinas kon magsunod ini sa US. Kag kon indi posible ang amo nga pagbangon sang ekonomya, ginalauman sini ang pagpasi-

labot ang mga tropa kag *high tech* nga hinganiban sang US agud tapnaon ang bag-ong demokratikong rebolusyon sang pumuluyong Pilipino. Wala ini nagapaminsar nga ang buot niya matabo mahimo magkadto sa pagkapukan sini.

Nagahimbunanay ang US kag rehimeng Arroyo ang pasanyugon ang interbensyon militar sang US sa ngalan pagsulong sang "gera

Padayon naton napamatud-an nga indi magguba sang mga imperyalistang US kag ila mga idu-ido ang rebolusyonaryong kahublagan sa Pilipinas kutob nga nagasunod kita sa pangkabilugang linya sang bag-ong demokratikong rebolusyon paagi sa malawigan nga inaway banwa.



batuk sa terorismo." Nagabinulus-bulos kag ginapadamu ang mga tropa militar sang US gamit nga bangdanan ang tingub nga paghanas militar, aksyong sibiko, mga *relief operation* kag iban pa. Ginadeploy ang mga tropa sang US sa mga erya nga yara sa kontrol sang rebolusyonaryong gubyrno sang pumuluyo kag sang BHB.

Amo nga nagapamalibad ang GRP nga magpasugot sa NDFP sa pagtib-ong sa epektibidad kag nagaluntad ang mga kasugtanan sang GRP-NDFP agud pamatukan ang ginatawag nga listahan sang terorista sang US kag iban pa nga dumuluong nga gubyrno. Indi ini sa magpasugot sa NDFP nga liwat aprubahan ang prinsipyo sang pungsodnon nga soberanya sa The Hague Joint Declaration batuk sa dumuluong nga pagpasilabot, ang

mga garantiya sa seguridad kag *immunity* para sa mga awtorisado nga tinawo sa negosasyon pangkalinungan ginasaad sa Joint Agreement on Safety and Immunity Guarantees kag sa mga basehan nga kinamatarung kag sa doktrinang Hernandez nahanungod sa mga pangpulitika nga paglapas nga kaundan sang Comprehensive Agreement on Respect for Human Rights and International Humanitarian Law.

Desperado ang rehimen nga pagparalisahan ang negosasyon kag sa ulihi gub-on ini kon indi matuman ang imposible matabo-ang pagsurender sang mga rebolusyonaryong pwersa paagi sa NDFP. Ginahimo ini nga kondisyon sa liwat nga pagpadayon sang pormal nga sugilanon ang pakasikadtuan nga demanda nga magsurender ang NDFP sa porma sang pagpasugot sa wala kutod nga untat-lupok antes ang mga kumprehensibong kasugtanan sa mga reporma pangkatilingban kag pang-ekonomya kag mga reporma pangpulitika kag konstitusyonal.

Sigun sa ginatawag nga "terrorist listing" sang US kag iban pa nga dumuluong nga gubyrno bilang pang-ipit, ginapahug pa gid sang rehimen ang mga katapu sang panel kag konsultant sang NDFP nga posible sila patyon kag kidnapon sang CIA sa ngalan sang anti-terorismo kag ekstradisyon. Santu sa pagpasingki sang terorismo sang estado kag pagsabwag sang mga paglapas sa tawhanon nga kinamatarung batuk sa pumuluyo, indi sini paghilway sa mga bilanggo pulitikal nga nakapriso sa mga himu-himo nga mga kaso sang komon nga krimen, sa paglapas sa doktrinang Hernandez nahanungod sa mga pangpulitika nga paglapas. Nagapadayon ini nga nagamanio-bra agud pungan ang pagbayad-danyos sa mga biktima sang mga

paglapas sa tawhanon nga kinamatarung nga nagdaug sang mga korte sang US batuk sa mga Marcos.

Tuman kaathagon nga masupog nga masinulundon ang rehimen padihut sang nga lubos waskon padihut sang US ang negosasyon pangkalinungan sang GRP-NDFP. Dapat manindugan kag maghimakas ang pumuluyo nga Pilipino kag tanan nga rebolusyonaryong pwersa batuk sa nagasanyog nga mga kampanyang saywar kag mapintas nga pagtapna. Dapat kita mangin mapag-on kag maisugon sa pagpasingki sa rebolusyonaryong armadong paghimakas kag iban pa nga porma sang paghimakas.

3 Ang nagagaku nga pwersa sang rebolusyong Pilipino

Maayo nga natungdan sang Partido Komunista sang Pilipinas ang nagapanguna niyang papel sa rebolusyong Pilipino. Ini ang abante nga destakamento sang proletaryado nga ginaubayan sang Marxismo-Leninismo-Maoismo. Ginahatagan direksyon sini ang kondukta sang bag-ong demokrati-kong rebolusyon paagi sa malawigan nga inaway banwa kag ginaiwagan ang dalan padulong sa halintang sang sosyalistang rebolusyon kag konstruksyon bilang transisyon padulong sa komunismo.

Ang aton Partido ang nagapamuno nga pwersa sang pumuluyong Pilipino. Sa unahan kag ubod ini sang rebolusyonaryo nga kahublagang masa, hangaway sang banwa, mga organo sang gahum pangpolitika kag mga organisasyong masa sang mga mamumugon, mangunguma, imol nga tagasyudad, mangingisda, kababaihan, pamantan-on, propesyunal kag iban pa nga sektor sang sosyedad.

Nagbaskog kag nagasulong kita paagi sa rebolusyonaryong paghi-

makas. Nag-alam sing husto halin sa mga positibo kag negatibo eksperensya naton. Nakapulok kita sing daku sa Ikaduha nga Dungganon nga Kahublagang Panadlong paagi sa liwat nga pagtib-ong sa mga sandigan nga rebolusyonaryong prinsipyo kag pagtadlong sa mga kasaypanan kag kakulangan. Napadayon naton ginapadalum kag ginapalapad ang aton rebolusyonaryong kamuklatan kag ginapauswag sang aton hilikuton kag estilo sang pagtrabaho paagi sa napanahon kag pulupana-hon nga pagtasar kag ebalwasyon, pagsaway kag pagsaway-sa-kau-galingon kag mga miting pagtuon kaangot sa mga mainit nga isyu.

Ang madinalag-on nga hilikuton pang-ideolohiyang sang aton Partido nagalakip sang pagpalap-

Nalab-ot na sang BHB ang desaysibo nga kadamuon para magpasingki sang mga taktikal nga opensiba kag makaagaw sang mga armas sa kadasigon wala pa tupong sangsa nagligad.



nag sang materyalistang dyalektika kag pagpalig-on sa aton Marxista-Leninistang panindugan, pananawan kag metodo sa paglubad sang mga halambalon sang teorya kag praktika. Luwas sa mga miting angot sa hilikuton kag pagtuon sang mga organo kag yunit sang Partido, nagalunsar ang aton Partido sang primarya, intermedya kag abanteng kurso nga pagtuon agud siguruhon ang hulu-halintang nga pag-uswag kag pagsulong sang kamuklatan sang tanan nga kadre kag katapu sang Partido.

Madinalag-on naton napamatukan kag nalutos ang rebisyu-

nista, empirisista kag dogmatikong tipo sang suhetibismo, nga sistematikong ginalibod sang mga lokal nga reaksyunaryong pwersa kag institusyon kag mga traidor. Madinalag-on man naton napamatukan kag napaslaw ang madugay na kag nagapadayon nga ideyang kontra-rebolusyonaryong nga ginapalapad sang mga internasyunal nga pwersa sang imperyalismo kag rebisyunismo, kadungan sang pagbuyagyag sang mga lokal nga traidor sa ila kauligalingon nga oportunismo paagi sa pag-angot kag pagsalig sa suporta sang mga Trotskyista, neo-Kautskyista kag iban pa nga internasyunal nga paltik nga Marxista.

Sa pangkalibutanon nga sakup, nagapanguna ang aton Partido sa pagpamatuk sa mga pang-ideolohiyang opensiba nga ginalunsar sang mga imperyalista agud magsabwag sang wala paglaum sa kubay sang proletaryado kag pumuluyo. Ginapabugal sang mga opensiba nga ini ang "pagkapukan sang sosyalismo" kag ang "katapusan sang kasaysayan," kon sa diin ang kapitalismo kag liberal nga demokrasya ang putuk-putukan kag indi malikawan magluntad ang globalisasyon sang "libre nga merkado." Ginatinguha sang mga imperyalista nga ginadahilan ang kuno pagdaug sang imperyalismo bunga sang neokolonyalismo kag sang rebisyunista nga pagtraidor sa sosyalismo.

Epektibo nga napunggan sang Partido ang nanari-sari nga pang-ideolohiya nga huyog nga naputos sang neoliberal kag neokonserbati-bong lengwahe nga petiburges. Ang huyog nga ini ginbun-ag sang mga imperyalistang ideolohista kag ginpalapnag naman sang mga espesyal nga ahente sang monopolyo kapitalismo pareho sang mga rebisyunista, sosyal-demokrata, Trotskyista kag iban

nga anti-komunistang petiburges. Sa makwarta nga "NGO" kag "porum", wala untat nga ang mga ahente nga ini sa pagproponer sang mga reporma para sa ikaayo sang pangkalibutanon nga sistemang kapitalista.

Ang nagalabaw nga mga kadalag-an sang Partido sa hilikuton pang-ideolohiya ginasuportahan pa sang mga kadalag-an sa hilikuton pangpulitika sa Pilipinas sa tunga sang labing nagalubha nga krisis sang pangkalibutanon nga sistemang kapitalista kag sang lokal nga nagaharing sistema. Ang krisis nagaathag sa gilayon nga kakinahanglanon maglunsar sang inaway banwa kag rebolusyon pangkatilingban kag nagalatag sang mga paborable nga kondisyon para sa pagdamu sang mga rebolusyonaryong pwersa.

Padayon naton napamatud-an nga indi magguba sang mga imperyalistang US kag ila mga iduido ang rebolusyonaryong kahublagan sa Pilipinas kutob nga nagsunod kita sa pangkabilugang linya sang bag-ong demokratikong rebolusyon paagi sa malawigan nga inaway banwa. Lunsay napaslawan ang 14 ka tuig nga pasistang diktaduryang Marcos kag ang masunod nga rehimen nga nagapostura nga demokratiko. Nahalitan kag nabutang sa peligro ang rebolusyonaryong kahublagan sang supakon sang Tuo kag "Wala" nga oportunistang linya ang pangkabilugang linya. Apang gin-untat ang linya nga ini sang Ikaduha nga Dungganon nga Kahublagan Panadlong.

Paagi sa rebolusyonaryo nga armadong paghimakas kag sang nagahiliugyong prente lunsay sa ligal kag armadong paghimakas, ginapukaw, ginaorganisa kag ginamobilisa sang aton Partido ang minilyun-milyon nga pumuluyo. Halin sa mga matutom kag militan-

Ginatukod sang BHB ang mga rehiyunal nga sentro-de-grabidad gamit ang mga prenteng gerilya bilang malapad nga base sa kada rehiyon.



teng pangmasang paghimakas, daku nga numero sang mga aktibista ang napatuhaw kag napasulong pa kag nangin mga kadre kag katapu sang Partido. Gani ang aton kubay padayon nga napun-an kag nadugangan sang mga katapu kag kandidadtong katapu nga may hugot nga angot sa masang anakbalhas.

May pila ka pulo ka libo nga katapu ang aton Partido. Muklat sila sa salsalon nga disiplina. Ginaisa sila sang kabilugang linya pangpulitika kag sang linya pangmasa sang Partido. Nagainisyatiba kag nagatindog sa kaugalingon sila sa nanari-sari nga patag sang hilikuton kag paghimakas pangkatilingban. May ikasarang sila nga magpatuman sa pangkabilugan kag mga partikular nga hilikuton sang rebolusyon.

Ginaintegrar sang aton Partido ang rebolusyonaryo nga armadong paghimakas sa rebolusyonaryong reporma sa duta kag pagtukod sang rebolusyonaryong baseng masa. Nagabaskog kag nagasulong ang BHB paagi sa sistematikong rekrutment sang mga hangaway halin sa kubay sang mga aktibistang masa, sa paghanas pulitiko-militar kag mga taktikal nga opensiba agud makaagaw sang mga armas sa kaaway.

Nagasulong kita sang reporma sa duta bilang mayor nga kampanya sa tumanon ang pangunahon nga kaundan sang demokratikong rebolusyon kag sa sini buyukon ang aktibo nga pag-entra kag suporta

sang masang mangunguma. Aktibo naton ginalunsar ang minimum nga programa sa reporma sa duta kag ginalatag sang basehan para sa maksimum nga programa. Padayon naton ginatukod ang mga baseng masa. Ginalakipan ini sang mga organo sang gahum pangpulitika kag sang nanari-saring tipo sang mga organisang masa.

Ang armado nga rebolusyonaryong paghimakas amo ang pangunahong porma sang paghimakas bangud ginasabat sini ang sentral nga halambalanon sa pagrebolusyon, ang pag-agaw sang gahum pangpulitika. Linibu-libo ang aton mga kumander kag hangaway sang BHB. Nagahulag sila sa 128 prenteng gerilya kag sa daku nga bahin sang halos 70 sang 74 prubinsya, masobra 800 sang mga 1500 munisipalidad kag masobra 10,000 sa 45,000 nga barangay sa bilog nga pungsod.


Samtang nagapalig-on kag nagalapad ang aton mga prenteng gerilya, nagadamu ang masa nga naorganisa, nagapasakup kag nakabenepisyo sa rebolusyonaryong reporma sa duta kag iban nga paghimakas sa idalum sang bandera sang bag-ong demokratikong rebolusyon. Ginapalapad kag ginaangot ang mga prenteng gerilya agud may aton may mas malapad nga maniobahan kag mangin mas pleksibilidad ang aton mga pwersang gerilya.

Ginatukod sang BHB ang mga rehiyunal nga sentro-de-grabidad gamit ang mga prenteng gerilya bilang malapad nga base sa kada rehiyon. Ginaamligan sang mga sentro-de-grabidad nga ini ang seguridad sang mga sentral kag rehiyunal nga kadre kag nagaserbi sila nga base para pamunuan nagkalain-lain nga tipo sang mga kampanyang masa sa rehiyunal nga sakup kag maglunsar sang mga taktikal nga opensiba nga mas daku

sangsa nagligad (isa, duha ukon tatlo ka platun) paagi sa pagtingub sa mga yunit sang rehiyunal kag prenteng gerilya.

Nalab-ot na sang BHB ang desaysibo nga kadamuon para magpasingki sang mga taktikal nga opensiba kag makaagaw sang mga armas sa kadasigon wala pa tupong sangsa nagligad. Napataas sini ang ikasarang nga mag-aresto sang mga pinakamasupog nga idu-ido sang imperyalismong US, pinakakorap nga mga upisyal, pinakamapintas nga nagalapas sa tawhanon nga kinamatarung kag pinakamalaut nga nagapanghimulos kag mga hari sang mga sindikato sa illegal nga droga kag iban pa nga kriminal nga aktibidades agud

Indi magdugay nga makahimo ang rehimen sang tinunto nga magapasantik sa isa ka pangmasang pag-alsa pareho sang pagpukan kay Marcos sadtong 1986 kag Estrada sadtong 2001.



imbestigahon kag, kon may bas-tante nga ebidensya, bistahon.

Ginagamit ang pamaagi kag mga taktika sang nagahiliugyong prente agud pukawon, organisahon kag mobilisahon ang minilyun-milyon nga pumuluyo para sa rebolusyonaryo nga armadong paghi-makas sa kaumhan, amo man para sa ligal nga demokratikong kahublagang masa sa urban. Ginapamunuan sang Partido ang nanari-sari nga tipo sang mga alyansa, pareho sang basehang alyansa sang mamumugon-mangunguma, progresibong alyansa sang mga masang anakbalhas kag petiburgesya sa syudad, patriyoti-

kong alyansa sang mga progresi-bong pwersa kag sang nahanunga nga burgesya kag malapad nga alyansa sang pumuluyo kag pila ka reaksyunaryong pwersa batuk sa kaaway.

Ang basehan nga alyansa sang mamumugon-mangunguma ang pinakamasaligan nga pundasyon sang rebolusyonaryong nagahiliu-sang prente. Ginasi-guro sini ang makasahing pagpamuno sang pro-letaryado kag, kadungan, ang suporta sang pinakadaku nga ginahimuslan nga sahi sa sosyedad Pilipino. Agud mangin madalum kag indi malutos ang demokrati-kong rebolusyon, dapat tukuron sang sahing mamumugon ang antipyudal nga nagahiliugyong prente. Ginatigayon ini paagi sang pagsalig pangunahon sa mga imol nga mangunguma kag mamumugon sa uma, paghabig sa mga nahanu-ngang mangunguma, pagnyutralisa sa mga manggaranong mangungu-ma kag hingalitan ang mga bang-gianay sa tunga sang mga reaksyu-naryo agud ihamulag kag waskon ang gahum sang despotiko nga agalon nga mayduta.

Sa panahon sang krisis pareho sang subong, nagadaku ang interes sang petiburges sa syudad nga makig-isa sa masang anakbalhas sa isa ka progresibong alyansa anti-imperyalista, antipyudal kag antipasista. Nagapadaku ang numero sang mga nahanungang pwersa ang gusto mag-upod sa mga progresibong pwersa sa isa ka patriyotikong anti-imperyalistang alyansa. Dugang pa, nagahulag ang pila ka seksyon sang reaksyunaryo agud mag-entra sa malapad nga alyansa para pukanon ang hubon nga ginabilang nga kaaway, bangud ini ang pinakareaksyunaryo kag pinakamasinulundon sa imperyalismo.

Sa subong, nagabilog ang isa ka malapad nga nagahiliugyong

prente batuk sa rehimeng Arroyo. Bangud sa pag-ikog-ikog, korap-syon, kapintas kag pagpakalimos sang rehimen ini ginadulaan sang kredibilidad, ginapaluya kag gina-hamulag sang nagahiliugyong prente. Indi magdugay nga makahi-mo ang rehimen sang tinunto nga magapasantik sa isa ka pang-masang pag-alsa pareho sang pag-pukan kay Marcos sadtong 1986 kag Estrada sadtong 2001.

Magabaskog pa ang rebolusyonaryong pwersa sang pumuluyo samtang nagatipon ang malapad nga nagahiliugyong prente sang daw bagyo nga kusog nga makapukan sa rehimen. Kon mapukan na ang rehimen, mahimo indi pa mag-pabor ang balanse sang pwersa rebolusyonaryong pwersa para mag-agaw sang gahum. Pero panahon nga ina mas mabakud sila sangsa una kag mas mahina naman ang nagaharing sistema sang mga daku nga kumprador kag agalon nga mayduta.

Amo ang naabot sang rebolusyonaryong kusog, manggaranon nga eksperensya kag mataas nga prestihiyo sang Partido gani nagatangla diri ang iban nga partido komunista kag rebolusyonaryong pwersa para magbayluhanay sang mga ideya, panan-awan kag eksperensya kag para may prinsipyadong paghiliusa kag praktikal nga kooperasyon. Gani nagatungod ang Partido sang isa ka malahalon nga papel sa pagtinguha tukuron liwat ang malapad nga pangkalibutanon nga nagahiliu-sang prente batuk sa imperyalismong US.

Lubos naton nga ginakalipay ang mga naangkon nga kadalag-an sa hilikuton internasyunal. Nagalaki-kinip ini sang pagkatukod sang mga patriyotiko kag progresibong organisasyon sa kubay sang mga kasimanwa sa luwas kag sang internasyunal nga pagbuligay kag pag-

suportahanay sa lebel sang mga partido amo man sa lebel sang mga organisasyong masa.

Malig-on ang aton panindugan nga ang aton pinakamalahalon proletaryong nga internasyunal nga obligasyon amo ang pamunuan ang rebolusyong Pilipino sa kadalag-an kag pagkatapos sini makahatag sang dugang pa nga kontribusyon sa pangkalibutanon nga rebolusyong proletaryo kag sa malapad nga anti-imperyalistang kahublagan sang pumuluyo sang kalibutan.

4 Hingalitan ang krisis kag pasingkion ang mga opensibang gerilya

Dapat hingalitan sang Partido Komunista sang Pilipinas ang krisis sang pangkalibutanon nga sistemang kapitalista kag sang lokal

**Dapat gamiton sang
mga rebolusyonaryong
pwera ang tanan
nga porma sang
paghimakas sa
pagpukan sa
rehimeng
Arroyo kag pagtipon
sang kusog halin diri.**



nga nagaharing sistema agud isulong ang rebolusyon. Dapat mabaskog nga kondenahon sini kalainan sang mapiguson kag mapanghimulos nga kinaiya sang mga imperyalistang US kag lokal nga papet nila. Dapat sini nga pukawon, organisahon kag pahu-lagon ang pumuluyo sa paglunsar sang bag-ong demokratikong rebolusyon paagi sa malawigan nga inaway banwa.

Paagi sa ekspansyon kag konsolidasyon, dapat magpalig-on ang Partido amo man ang tanan nga rebolusyonaryong pwera sang

pumuluyong Pilipino. Dapat palig-unon ang BHB, ang National Democratic Front of the Philippines, ang mga organo sang gahum pangpulitika kag ang mga organisasyong masa. Natilawan kag napanday na sa rebolusyonaryong paghimakas ang tanan nga rebolusyonaryong pwera.

Dapat padayon nga hatagan tum-ok sang PKP ang pang-ideolohiyang hilikuton, ilabi na sa mga pagsuma sang eksperensya, mga pormal nga kurso sang edukasyon pang-Partido kag pagpauswag sang trabaho paagi sa pagsaway kag pagsaway-sa-kaugalingon. Dapat kita magbantay batuk sa mga suhetibistang huyog sang pagpaminsar pareho sang rebisyonismo, empirismo kag dogmatismo kag batuk sa "Wala" kag Tuo nga oportunistang tendensiya samtang nagatuhaw ang mga bag-o nga sitwasyon nga puno sang mga kabudlayan kag oportunidad.

Dapat mentenaron kag itib-ong ang bwelo kag entusyasmong pagtuon kag muklat nga praktika nga ginbunga sang IDKP. Ang mga leksyon nga nakuha sa pagtadlong sa tanan nga patag sang hilikuton malahaloon sa pagpasulong sang paghimakas para sa bag-o kag mas mataas nga lebel sang kadalag-an. Dapat kita mabuyok nga labi pa nga magsulong sa atubang sang lapnagon nga pagkilala sa aton mga kadalag-an, samtang samad naman ang mga lokal nga reaksyonaryo kag mga traidor amo man ang mga imperyalista kag ila mga bayaran nga ideolohista kag publisista sa tunga sang labi nagalubha nga pangkalibutanon nga krisis sang kapitalismo.

Dapat pamunuan sang Partido ang BHB sa paglunsar sang maikit kag malapnagon nga inaway gerilya sa halintang sang estratehikong dependensia. Dapat naton ilatag sang nagapadalum kag nagapalapad nga

baseng masa ang inaway gerilya paagi sa pagtukod sang mga organisasyong masa kag mga organo sang gahum pangpulitika. Dapat magpapagsik ini sang reporma sa duta kag iban pa nga kampanya nga mapuslanon sa pumuluyo. Kinahanglan ang pagsimpon sang rebolusyonaryo nga armadong paghimakas, reporma sa duta kag pagtukod sang baseng masa para sa magmadinalag-on ang bag-ong demokratikong rebolusyon.

Dapat manduan sang PKP ang BHB sa pagpasingki sang mga armadong taktikal nga opensiba batuk sa kaaway. Ang dapat ilunsar sang BHB amo lamang ang mga ambus, reyds kag mga pagpang-aresto nga pat-ud mapadaug bunga sang husto nga impormasyon, mapisan nga pagplano, sorpresa kag lubos nga inisyatiba, superyor nga kusog kag maabtik nga pagatras. Dapat naton atakehon ang pinakamahina nga mga yunit, instalasyon kag linya sang suplay sang kaaway. Dapat naton arestuhon, bistahon kag silutan ang mga labing ginakangil-aran nga manugpigong kag manughimulos.

Dapat hingalitan sang PKP kag BHB ang tanan nga kahigayunan sa gub-on ang diwa sa pagpakig-away sang kaaway lunsay paagi sa proseso sang pagpapas sa mga away kag sa proseso sang disintegrasyon paagi sa mapisan nga hilikuton pangpulitika sa kubay sang kaaway kag sa mga nabihag sa gera. Dapat naton himuslan sing lubos ang paksyunalismo kag demoralisasyon nga nagalapnag sa AFP kag PNP matapos ang pagkabuyagyag sa pagdispalko ni Garcia nga konusisaon nagpamatuod sa mga akusasyon sang korapsyon sang grupong Oakwood batuk sa pinakamataas nga upisyal sang AFP.

Dapat padayon nga tun-an kag aregluhon sang mga responsible

nga organo sang PKP ang mga tinawo kag pamaagi sa pagpauwang sang angot sa mga ordinaryong suldado kag manubo kag nahanunga nga upisyal sang militar kag pulisya. Nagadamu sa ila ang nagareklamo kag nagaprotesta batuk sa mahina nga klase sang mga botas, helmet kag hinganiban kag nagadala sila sa peligroso nga away samtang ang mga kumander kag ila upisyal sa lohistika kag pinansya nagapatuyang sa ila pondo kag nagapatukod sang mga mansyon para sa pagretiro. Nagabalingaso subong sa mas mabaskog nga disgusto kag madalum nga kaakig sa pinakamataas nila nga kumander samtang nagakabuyagyag ang kagarukan sa pinakamataas nga lebel nga labaw pa nga lapnagon sangsa ginaduha-duhaan ukon nahibal-an.


Estratehiko ang aton paghikay sa *high tech* nga hinganiban sang imperyalismong US. Indi armas kundi ang pumuluyo nga napahulag amo ang makahusga sa resulta sang gera. Epektibo ang mga *high tech* nga armas sa pagwasak sang mga permanenteng istruktura, pagpaluhod sa mga gubyrno nga indi suportado sang pumuluyo kag sa paglunsar sang madasigan nga pagsalakay.

Pero sa tion nga masakup na sang US ang isa ka pungsod kag magatuyo ini maghakot sang mga benepisyo, madinalag-on nga makalunsar ang pumuluyo sang inaway gerilya batuk sa mga suldadong Amerikano nga mangin bulnerable bangud sa nakapermi nila nga pusisyon kag malaba nga linya sang suplay. Sa kaulihanan, mapwersa nga mag-atras ang mga imperyalista kon nagadamu ang kaswalti kag indi maabot ang ginalauman nga benepisyo. Napamatud-an na ini sa Vietnam kag liwat ginapamatud-an sa Iraq. Kag pareho man sa Vietnam, bisan pila

ka eleksyon ang pagahiwaton sang US indi ini mabaton nga mga makabanwa ukon demokrata ang mga papet.

Indi epektibo ang *high tech* nga armas sang US batuk sa inaway gerilya sang pumuluyo nga labing mahulag kag wala sang mga permanenteng target para sa kaaway. Nakakuha ang mga Pulang hangaway sang superyoridad sa taktika kag inisyatiba kag ginapapas sini ang kaaway paagi sang sorpresa kag malapitan nga away kag sa

**Ang imperyalismng US
mismo ang
magapadayon sa
pagsingki sang
interbensyon
militar sa
Pilipinas,
magahari-harian sa
lokal nga nagaharing
sistema, maghimulos kag
magpigog sa pumuluyong
Pilipino pagkatapos
mapukan si Arroyo.**



tion kag lugar nga kita ang nagapili. Sa subong, ang mga papet nga gubyrno kag mga pwersa militar, pulis kag paramilitar sini ang nagahayag sang kaugalingon kag sang ila mga permanenteng istruktura kag linya sang suplay bilang mga target sang taktikal nga opensiba.

Nakahanda ang BHB nga batuan ang mga interbensyunistang tropa sang US kag mga tropang papet nga ginahanas nila agud magpatay sang mga Pilipino. Labi pa ini nga nagahanda paagi sang paghanas pulitiko-militar agud awayon bisan isa ka lubos nga gerang agresyon sang US. Ginatinguha sini subong nga mapauwang ang ikasarang maghimog kag maggamit sang mga armas

katulad sang ginagamit subong sang mga Iraqi. Daku ang matunan sang mga Pulang kumander kag hangaway sa mga madinalag-on nga malawigan nga inaway para sa pungsodnong kahilwayan batuk sa agresyon sang US.

Nadulaan sang epektibidad ang mga *cruise missile*, mga *high altitude bomber* kag madamu nga klase sang *weapons of mass destruction* sang US kon ang mga tropang mananakup kag kaangot nga mga tinawo sang US yara na sa duta kag nagatuyo magpunpon sang benepisyo sang gera. Sila na ang target sang mga riple, granada, *rocket-propelled grenade*, ginhimo nga mga eksplosibo, mortar kag iban pa nga malapitan nga armas sang pumuluyo kag hangaway sang banwa.

Dapat tukuron sang PKP sang malapad nga nagahiliugyong prente agud ihamulag, paluyahon kag lubos pukanon ang papet nga rehimeng Arroyo. Ang amo nga nagahiliugyong prente matukod sa basehan sang alyansa sang mamumugon-mangunguma, alyansa sang mga progresibong pwersa kag alyansa sang mga patriyotikong pwersa, nga dapat padayon ginapabaskog paagi sa nanari-sari nga porma sang pangmasang paghimakas.

Ang malapad nga masa sang pumuluyo nag-angkon sang pangpulitika nga edukasyon kag eksperyensya sa mga nagtaliwan nga paghimakas agud pukanon ang mga papet nga rehimeng Marcos kag Estrada. Kon husto nga mga panawagan kag porma, pamaagi kag kumpas sang paghimakas, liwat mamobilisa ang pila ka pulo kag ginatus-gatos kalibo, kag sa ulihi, ang minilyun-milyon nga pumuluyo agud pukanon ang rehimeng Arroyo.

Dapat magpadayon nga desido ang ligal nga demokratikong

kahublagan kag ang armado nga rebolusyonaryong kahublagan sa paghimakas para pukanon ang papet nga rehimeng Arroyo. Dapat paentrahon nila sa paghimakas ang mga di-organizado, pukawon sila kag pataason ang ila kamuklatan pangpulitika, organisahon kag pahulagon sila sa nanari-sari nga mga kampanya kag paghulag. Ang malahalón nga makatipon sa magkasunod nga mga kampanya sang kusog paagi sa pagpataas sang lebel sang kamuklatan kag pag-organisa sang mas madamu nga pumuluyo, ilabi na sa basehang masa sang anakbalhas.

Dapat gamiton sang mga rebolusyonaryong pwersa ang tanan nga porma sang paghimakas sa pagpukan sa rehimeng Arroyo kag pagtipon sang kusog halin diri. Napaluya sang armadong paghimakas sa kaumhan ang armadong pwersa kag pagpamigos sang rehimen. Kadungan sini, napwersa sang ligal nga demokratikong kahublagang masa ang rehimen nga magsulod sang mga tropa sa mga syudad kag pagbuhin sang armadong pwersa sa kaumhan kon ginakulbaan na ang nagaharing hubon ang pagsipa sa iya sa poder. Sa sini nagakalutos sa gera ang kaaway sa kapaslawan nga malubad ang problema sang pagkonsentrar sang mga tropa sa pungsodnon nga kabisera kag paglapta sang mga ini sa malapad nga kaumhan.

Nabuyagyag kag nahamulag sang mga ligal nga demokratikong

paghimakas ang rehimeng Arroyo paagi sa pag-engganyo sa pagtukod sang malapad nga nagahiliugyong prente kag pagpahulag sa daku nga numero sang masa. Dapat maglunsar sang mga rali sa karsada kag sa sulod sang mga bilding. Makaamot man ang mga progresibong. May maamot man ang mga progresibong katapu sang Kongreso. Bisan ang sugilanon pangkalinungan makahatag sang porum kag palaagyan para sa paghayag sang mga isyu, programa kag direksyon sang paghulag lunsay sa mga organizado kag di-organisadong masa. Pero dapat permi kita mangin mabinantayon sa mga kaluiban kag kapintas sang US kag papet nga rehimen.

Sa paghimakas para sa pagpukan sang rehimeng Arroyo, dapat padayon nga ibuyagyag kag pakamalauton sang mga rebolusyonaryong pwersa ang wala huya nga pag-ikog-ikog sang rehimeng Arroyo kag ang pagsalig niya sa imperyalismong US kag ang lubos nga pagkabangkarote sang nagaharing sistema. Kadungan man, dapat naton hatagan-tum-ok sa pumuluyo nga indi bastante ang pagpukan sa rehimeng Arroyo sa pagpukan sa nagaharing mga sahi kag sa malapyudal kag malakolonyal nga sistema.

Dapat naton hingalitan ang labing nagalubha nga krisis sang pangkalibutanon nga sistemang kapitalista kag ang nagalala nga pagkahamulag sang imperyalismo,

ilabi sang imperyalismong US, paagi sa pagpasingki sang rebolusyonaryo nga armadong paghimakas kag iban nga porma sang paghimakas. Sa sini, labi kita nga makaamot sa pagtukod sang isa ka malapad nga prente sang anti-imperyalistang paghiliusa kag internasyunal nga kahublagang komunista kag sa pagpauswag sang pagsuportahan kag pagbuligay sa kubay sang mga rebolusyonaryong partido kag mga organisasyon sang pumuluyo sa bilog nga kalibutan.

Ang imperyalismong US mismo ang magapadayon sa pagsingki sang interbensyon militar sa Pilipinas, magahari-harian sa lokal nga nagaharing sistema, maghimulos kag magpigis sa pumuluyong Pilipino pagkatapos mapukan si Arroyo. Apang magaatubang ini sang nagadaku nga armadong rebolusyon nga iya gintinguha pero napaslawan nga lutuson sa sulod pila ka dekada sa pihak sang superyoridad sini sa militar kag ekonomya.

Ang mga rebolusyonaryong pwersa kag pumuluyo nga ginapamunuan sang Partido nag-angkon sang mga dalagku nga kadalagan kag nagkusog batuk sa tuman kadaku nga kabudlayan halin 1968. Pat-ud nga maabot ang panahon nga malutos kag mapukan sini ang bilog nga nagaharing sistema, kag mahim-os sini sa sandigan ang bag-ong demokratikong rebolusyon kag magasugod ang halintang sang sosyalistang rebolusyon. **AB**



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Especyal nga Edisyon
Disyembre 26, 2004
www.philippinerevolution.org

Hingalitan ang labing nagalubha nga krisis kag pasingkion ang mga gerilyang opensiba agud isulong ang bag-ong demokratikong rebolusyon

Mensahe halin sa Komite Sentral sang Partido Komunista sang Pilipinas


Malipayon kita sa pagsaulog sang ika-36 nga anibersaryo sang liwat nga pagtukod sang Partido Komunista sang Pilipinas kag sang tanan nga natipon nga kadalag-an sang Partido kag pumuluyong Pilipino sa bag-ong demokratikong rebolusyon sa ubay sang Marxismo-Leninismo-Maoismo.

Ginapanginbulahan naton ang tanan nga mga kadre kag katapu sang aton Partido sa tanan nga kadalag-an nga naangkon sa patag sang ideolohiya, pulitika kag organisasyon. Resolbado kita nga isulong ining mga kadalag-an, tadlungon ang mga kasaypanan kag kahinaan kag pataason sa bag-o kag mas mataas nga lebel ang rebolusyonaryong paghimakas sang pumuluyo.

Naangkon naton ang mga kadalag-an paagi sa mapisan nga pagtrabaho, matutom nga paghimakas kag pagsakripisyo sang kaugalingon. Tulad sang naandan, ginahatag naton ang pinakamataas nga pagsaludo sa aton mga rebolusyonaryong martir kag baganihan nga naghalad sang kabuhi sa pag-alagad sa pumuluyo.

Makaangkon pa kita sang dugang nga mga kadalagan sa paghimakas para him-uson ang pungsodnon demokratikong rebolusyon sa pagpamuno sang proletaryado kag hawanon ang dalan para sa sosyalistang rebolusyon.

Mahingalitan naton subong ang labing nagalubha nga krisis sang pangkalibutan nga sistemang kapitalista kag lokal nga nagaharing sistema sang mga daku nga kumpador kag agalon nga mayduta. Mapabaskog naton ang mga rebolusyonaryong pwersa kag pumuluyo sa tanan nga paagi. Mapasingki naton ang mga opensiba batuk sa kaaway.



Mga instruksyon sa pag-imprenta

1. Ang pahina 13, nga eksakto nga kopya sang pahina 1 maluwas sa mas malus-aw ang *masthead* ukon *logo* amo ang para sa mga nagagamit sang *mimeo machine* ukon naga-imprenta paagi sa *v-type*. Gindisenyo ini para indi madali masamad sang istensil.
2. Pag-imprenta sa istensil:
 - a) Sa *print dialog*, i-check ang **Print as image**
 - b) Kuhaon ang *check* sa **Shrink oversized pages to paper size**
 - k) I-click ang **Properties**
 - d) I-click ang **Advanced**
 - e) Siguruhon naka-set sa 100% ang **Scaling**
 - g) Padayunon ang *pag-print*
3. Ginabuyok ang mga kaupod nga ipaabot sa patnugutan sang AB ang anuman nga problema kaangot sa pag-imprenta paagi sang *v-type*. Magpadala sang *e-mail* sa *ang-bayan@yahoo.com*